

मस्तयुगु नितिं बाइबल
न्ह्यव्वया

परमेश्वरं
अब्राहामया
मायायात जाँचय्
याःगु



चवमि: Edward Hughes

किपा: Byron Unger; Lazarus
Alastair Paterson

न्हयव्व:म्ह: M. Maillot; Tammy S.

भाय् ह्यूम्ह: Mr. Prem Maharjan

पिकाक: Bible for Children
www.M1914.org

©2023 Bible for Children, Inc.

अनुमति पौ: थव सत्य बाखं सितिकं इना बीत जक थुकिया खँग्व:त कायेफु,
अले छापय् यायेगु निंतिं अनुमति नं ब्यूगु ख: तर थव सफू ध्यबा कया मिइत मखु।





छन्हु चान्हय् परमेश्वरं
अब्राहामयात छगू
अजूचायापुगु आज्ञा
बियादिल। अब्राहाम
परमेश्वर स्वयाः अप्वः
थः काय् इसहाकयात
माया या,

थ्व जाँचय्
यायेगु नितिं थ्व
परिक्षा यानादीगु खः।



परमेश्वरं आज्ञा बियादील, “थः काय्
इसाहकयात बेदीइ बलि ब्यु।”

इसाहकया बलि यायेगु?

काय्या बलिदान यायेगु?

थ्व धाःसा अब्राहमया

निंतिं तसकं थाकूगु खँ

खः। वं थः काय्यात

तसकं माया या।



तर अब्राहमं थ्व खँ मथुसां नं परमेश्वरयाके
भरोसा तयेसम्ह खः । सुथ न्हापां हे वं
यसाहक व निम्ह दासतय्त ज्वनाः
बलिदानया निंतिं पर्वत पोखे वन ।



वने न्ह्यः अब्राहमं
बलिदानया बेदीया निंतिं छुं
सिं ध्यनाः हल। अब्राहमं
परमेश्वरया आज्ञा मानय्
यायेगु योजना दय्कल।



स्वन्हु लिपा पर्वतया हेबु थ्यंकाः
अब्राहमं दासतयूत धाल, “छिपिं
थन हे पिया चवं। जिपिं वनाः बलिदानयाना
आराधना याये अले लिहां वये।”
इसाहकं सिँत ज्वन,



अब्राहमं मि व
चकूँ च्वन।



इसाहकं धाल, “बलिदानया
निंतिं भ्याःचा गन दु?”
अब्राहमं लिसः बिल,
“परमेश्वरं थम्हं हे भ्याःचा
जुतय् यानादी।”



इपिं निम्हं परमेश्वरं ल्यःगु थासय्
थ्यन। अन अब्राहमं छगू बेदी
दयकल अले परमेश्वरया न्ह्यःने
बलिदानया निंतिं सिँत बेदीइ तल।
अब्राहमं यक्वः बेदी दय्कूगु खः।
धात्थें हे थ्व बेदी दय्केत वयात
तसकं थाकुल।



अब्राहमं इसाहकयात चित अले थः
तसकं माया याःम्ह काय्यात बेदी च्वय्
तल। धात्थें हे अब्राहमं परमेश्वरया
आज्ञा मानय् याना थः तसकं माया
याःम्ह काय्यात बलिदान यात ला?
वया छम्ह जक काय् यात?





खः! अब्राहामं ज्वयका
तःगु चुपि ल्हन। सके
वयागु नुगः तसकं
ख्वःगु दु। तर अब्राहमं
स्यु कि वं परमेश्वरया
आज्ञा मानय् याये हे मा।



“आसे!”
परमेश्वरया
दूतं तसलं
धाल,

“आ: जिं सिल
छ धात्थें हे
परमेश्वरया भय
काइम्ह ख: छं
जिगु निंतिं थ: याक
काय्यात नं बाकि
मत। छं छम्ह
हे जक काय्
जिगु निंतिं
बिइत स्वल।”



अब्राहमं झालय् छम्ह भ्याःचा खन
अले वं इसाहाकेया पलेसा वयात
बलि बिल। अले भ्याःचायात बलि
बिल। सके इसाहाकं बिचा यात,
“जिमि अबुं धाथें हे परमेश्वरले
जुतय्यानादिल।”



अले अबुम्ह व काय निम्हय्सिन परमेश्वरया आराधना यात,
परमेश्वरया दूत अब्राहाम नापं नवानादिल। “छिमि काय
म्ह्याय्पिं पाखें संसारय् च्वंपिं फुक्कसिनं
आशीष कायेखनि, छाइधाःसा छं आज्ञा
मानय् यात।” छन्हु अब्राहमया वंशपाखें
येशूया जन्म जुइ।



अब्राहम व इसाहाक छँ लिहां वल। छुं ई लिपा दुःख जुल।
सारा सित। अब्राहमं थः कला मद्युक चवनेमाल। अले
इसाहाक नं थः मां मद्युक चवनेमाले।




सारायात थुने धुंकाः
अब्राहमं थः मुख्य च्यःयात
इसाहाकया नितिं भमचा मालेत
छवल। मू च्यः इमिगु पुलांगु शहरय वन
अले अब्राहमया थःथितिपिं पाखें वयागु नितिं
भमचा लुइकल।



व च्यलं परमेश्वरनापं छगु चिं फवन। “गुम्ह मिसामचां जिगु
ऊटतयूत लः त्वंकी व हे मिसा इसाहाकया नितिं बांलाइ
जुइ।” थत्थें हे रिबेकां वयात लः त्वनेत इनाप यात। व
अब्राहमया थःलाम्ह खः। च्यलं थन हे लुइकल, अले
परमेश्वरं वयागु प्रार्थनाया लिसः बियादिल।



रिबेकां इसाहकनापं ब्याहा यायेगु नितिं वं थःगु परिवारयात
त्वःते माल। वया मां सीधुंकाः लिपा ब्याहा यानाः वयात
शान्ति जुल। इसाहाकं नं वयात तसकं
माया यात!



परमेश्वरं अब्राहामया मायायात जाँचय् याःगु

मस्तय्गु निंतिं बाइबलया खँ न्ह्यब्बेया थ्व परमेश्वनरया
बचन बाइबलपाखें काःगु सत्य बाखं खः गुगु

उत्पत्ति २२ - २४

“छिगु वचन थुइकाबीबलय् जिमित जः दइ।”

भजनसंग्रह ११९:१३०



कवचाल



बाइबलया थ्व सत्य बाखं नं झी अजुचायापुम्ह परमेश्वरया बारे कनाबी
सुनां झीतः दय्कादिल । छं वय्कःयात म्हसिमा धकाः वय्कलं इच्छा यानादी ।

झीसं मभिं गु ज्यात यानागु दुसा परमेश्वरं सिइका कायेफु गुकियात वय्कलं पाप
धयादिल । पापया सजाँय मृत्यु खः, तर परमेश्वरं झीतः यक्वः माया यानादिल ताकि
झीगु पापया नितिं क्रूसय् सीना दुःख कष्ट फयेत वय्कलं थः याकः काय् येशू
प्रभुयात थ्व संसारय् छ्वयाहयादिल । हाकनं येशू प्रभु म्वानाः झायादिल अले
स्वर्गय् थःगु छें झायादिल । थौं झीसं प्रभु येशूयात विश्वास यात धाःसा झीगु पाप
क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी । अले
वय्कः झीगु नुगलय् दुहांझायादी अनंलि झीपिं सदां वय्कः नापं हे च्वनाच्वनी ।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः
प्रार्थना याः यःम्ह प्रभु येशू, छि हे परमेश्वर खः, जिगु पापया नितिं सीनादीत छि
मनू जुयाः थ्व संसारय् झाल अले हाकनं स्वन्हु दय्काः म्वानाझाःगु खः धकाः जिं
विश्वास याये । दयायाना जिगु जीवनय् झायादिसँ अले जिगु पापत क्षमा यानादिसँ
ताकि जिं न्हगु जीवन काये फयेमा अले न्ह्याँबलें छि नापं हे च्वना च्वने फयेमा ।
छिगु आज्ञा मानय् यायेत व छिगु सन्तान जुइत छिगु नितिं
म्वायेत जितः ग्वासहालि यानादिसँ । आमेन ।

न्हिया न्हि थं बाइबल ब्वनेगु या अले परमेश्वर नापं खलाबला या । यूहन्न ३:१६

